



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გორის სავიკარიო

გორის სავიკარიო, საქართველოს მართლმადიდებელი ეკლესიის ერთ-ერთი ეპარქია. შეიქმნა საქართველოში ეკლესიის ავტოკეფალიის გაუქმების (1811) შემდეგ, 1812 წ. 30 იანვარს, რუს. სინოდის განკარგულებით. იგი შედიოდა მცხეთისა და ქართლის ეპარქიის შემადგენლობაში, რ-თა მმართველი საქართველოში ეგზარქოსი იყო. გორის ეპისკოპოსი საქართველოში ეგზარქოსის ვიკარ-ეპისკოპოსად ითვლებოდა. რუს. სინოდის გადაწყვეტილებით გორის ვიკარ-ეპისკოპოსად დაინიშნა დოსითეოსი (ფიცხელაური), რ-იც 1811-14 პეტერბურგში იმყოფებოდა და საქართველოში საეგზარქოსოს გარდაქმნის პროექტზე მუშაობდა; რუსეთის სინოდის მითითებით დოსითეოსმა შეიმუშავა საქართველოში საეკლ. მონეობის ახ. დებულება, რ-იც 1814 წ. 30 აგვ. რუს. იმპერატორმა დაამტკიცა. დოსითეოსს მთავარეპისკოპოსის წოდება მიენიჭა და დაინიშნა ახალდაარსებული „ოსეთის სასულიერო კომისიის“ ხელმძღვანელად.

გორის ვიკარ-ეპისკოპოსები ძირითადად ცხოვრობდნენ თბილისში და ეგზარქოსს ეხმარებოდნენ ეპარქიის მართვაში. გ. ს-ს ტერიტორიაზე არსებობდა გორის სას. სასწავლებელი, რ-ის კურსდამთავრებულები სწავლას თბილისის სას. სემინარიაში აგრძელებდნენ. დოსითეოსის შემდეგ გორის ვიკარ-ეპისკოპოსები იყვნენ: გერვასი მაჭავარიანი (1814-17); სტეფანე ჯორჯაძე (1818-39); ნიკიფორე ჯორჯაძე (1844 -51); იოანე ავალიანი (1852-58); გაბრიელ ქიქოძე (1859-60); გერმანე პაპიტაშვილი (1862-69). 1869 წ. 30 მაისიდან 1898 წ. 20 მარტამდე გ. ს. უმღვდელმთავროდ იყო დარჩენილი. 1881-86 გორის ვიკარ-ეპისკოპოსი იყო ალექსანდრე ოქროპირიძე. მისი მღვდელმთავრობის დროს გ. ს-ში გაიხსნა სას. სასწავლებლები. აღდგა სამონასტრო ცხოვრება და შეკეთდა შიომღვიმის მონასტერი, ზედაზნის მონასტერი. მღვდელმთავარი ხელს უწყობდა ძვ. ქართ. საეკლ. გალობის აღდგენას. 1898-1900 გ. ს-ს ხელმძღვანელობდა ლეონიდე (ოქროპირიძე); 1900-02 - კირიონ II (საძაგლიშვილი);

1902-05 - ბენიამინ მასნუკოვი; 1905-06 - ეფთვიმე ელიაშვილი; 1907-09 - პეტრე კონტოშვილი. უკანასკნელი მღვდელმთავარი იყო ეპისკოპოსი ანტონ გიორგაძე (1912-17).

საქართვე. ეკლესიის ავტოკეფალიის გამოცხადების შემდეგ გ. ს. გაუქმდა.

ლიტ.: К и р и о н (Садзагелов), Краткий очерк истории Грузинской Церкви и Экзархата за XIX ст., Тфл., 1901.

ე. ბუბულაშვილი
